

龍川文集

重刊龍川文集序

龍川文集三十卷其後裔故明時吾邑陳某及

國朝道光間義烏陳東屏司馬皆嘗校刊行於世此外湘蜀間亦間有殘本然不多觀也今余家藏書數千百卷憶自髫髻就外傳心獨嗜陳氏文時時誦習竊憾其之自咸豐辛酉粵賊徧湖南江浙諸郡縣盡時藏書焚如棄如所至板本亦燬失龍川集遂無存者其後嘗游於皖復自皖之鄂往來求龍川集不可得又寓書湘蜀間求之乾無有同治丁卯余司鄂中書局延監利王子壽比部總校讎事一日比部出一編授余余觀之則龍川集也大喜不自勝以近歲窮力蒐訪不可見者而一旦乃得之乎是本蓋亦明崇禎中錢塘鄭氏所刻今秋比部回里又檢寄一編則

國朝義烏陳司馬校刊較鄭氏本多補遺五則今余從詞綜中搜出朱竹垞先生採選水龍吟洞仙歌虞美人詞三首附入補遺梅花五律之後所稱龍川集詞一卷未覩全豹茲合鄭陳二編互相讎校其間時有訛誤謹就所知者另纂辨訛考異二卷刊正之其所不知蓋闕如也既乃付之梓人以廣其傳凡五閱月就事爰爲志其顛末如此若其文之崇論宏議體用賅備固已如日月並行江河不廢前人具道之無俟余之贅言也

同治戊辰八月邑後學胡鳳丹月樵甫謹序

建康軍節度判官陳亮誥

三歲大比人徒知爲布衣進身之途蓋祖皇帝有言曰設科取士本欲得賢以共治天下大哉王言朕所當法也廷策者再乃始得汝爾蚤以藝文首實能之書旋以論奏動慈宸之聽親閱大對嘉其淵源擢置舉首殆天智以遠朕也尙循故事往佐帥幕益茂遠業以須登用

紹熙四年七月

日

龍川文集序

同甫文字行於世者酌古論陳子課葉上皇帝四書最著者也子沆聚他作爲四十卷以授予初天子得同甫所上書驚異累日以爲絕出使執政召問當從何處下手將繇布衣徑唯諾殿上以定大事何其威也然而砥礪交起竟用空言羅織成罪再入大理獄幾死又何酷也使同甫曉不登進士第則世終以爲狠疾人矣嗚呼悲夫同甫其果有罪於世乎天子知其無罪也同甫其果無罪於世乎世之好惡未有不以情者彼於同甫何獨異哉雖然同甫爲德不爲怨自厚而譴責人則疑若以爲有罪焉可也同甫既修皇帝王霸之學上下二千餘年考其合散發其秘藏見聖賢之精微常流行於事物儒者失其指故不足以開物成務其說皆今人所未講朱公元晦意有不與而不能奪也呂公伯恭退居金華同甫間往視之極論至夜分呂公歎曰未可以世爲不能用虎帥以聽誰敢犯子同甫亦頗慰意焉予最鄙且鈍同甫微言十不能解一二猶以爲可教者病耗十年耗忘盡矣今其遺文大抵斑斑具焉覽者詳之而已

嘉泰甲子春三月朔旦龍泉葉適序

刻龍川先生全集小引

立言居三不朽之一故斷輪氏謂其人與骨俱朽獨其言在言真不朽者哉適惠施之書五車而不足多則不朽者又不獨以言也必其本之德行而能見諸事功然後其言能歷萬古而不毀陳龍川先生當弱宋之世挺然特華夷君父之大節故其言有根本卒能動人主之聽使至今讀之者覺行聞猶勃勃有生氣而可試之於實用而無疑世間如此等書是真可爲不朽者矣龍川老人於龍川集摘而丹鉛之雖自謂點竄手取其一鱗一爪亦足以鼓動雲霧然而潛見惕亢之妙運於毫端者非備觀之猶未易以盡其變今故梓其全集任有目者縱覽焉不求文字章句王言也雖異代傑臣不可以屢加首不用評點洗時格也且通人別愛自能以磁吸鐵所不全者飾而所全者真真物無贗不可擇也譬之鹽木久存其根幹枝葉都無朽法豈必去枝葉而留根幹哉雖然羣龍之見仍未嘗以首示人其言具在其妙不傳觀其自贊爲人中之龍文中之虎亦自信其言之神明乎德而能出而成非常不測之功歟今之立言者其有所師矣

崇禎癸酉冬仲錢塘鄒質士孝直父書於西湖之小築

龍川先生像



自贊

其服甚野其貌亦古倚天而號提劍
而舞惟稟性之至愚故與人而多忤
歎朱紫之未服謗丹青而描取遠觀
之一似陳亮近眊之一似同甫未論
似與不似且說當今之世孰是人中
之龍文中之虎

龍川文集目錄

卷之一

書疏

上孝宗皇帝第一書

上孝宗皇帝第二書

上孝宗皇帝第三書

戊申再上孝宗皇帝書

卷之二

中興論

中興五論序

中興論

論開誠之道

論執要之道

論勵臣之道

論正體之道

卷之三

問答上

問答 凡十二道

卷之四

問答下

問答

卷之五

酌古論 一

序

光武

先主

曹公

孫權

卷之六

酌古論 二

符堅

韓信

薛公

鄧禹

馬援

卷之七

酌古論 三

諸葛孔明 上

諸葛孔明 下

呂蒙

劉艾

羊祜

卷之八

酌古論 四

崔浩

李靖

封常清

馬燧

李愬

桑維翰

卷之九

論

龍川文集 目錄

謝安比王導

王珪確論如何

楊雄度越諸子

勉彊行道有大功

卷之十

經書發題

書經

詩經

周禮

春秋

禮記

論語

孟子

箴銘贊

上光宗皇帝鑒成箴

松齋銘

力齋銘

委齋銘

朱晦菴畫像贊

辛稼軒畫像贊

卷之十一

策

廷對

國子

傳註

江河淮汴

度量權衡

銓選資格

四弊

變文法

制舉

子房賈生孔明魏徵何以學異端

蕭曹丙魏房杜姚宋何以獨名於漢唐

卷之十二

三國紀年

序

漢昭烈皇帝

漢後主

諸葛亮

應統法正

關羽

魏武帝

魏文帝

魏明帝

齊王高貴鄉公常道鄉公陳留王

荀彧

荀攸

賈詡程昱郭嘉董昭 鍾繇華歆王朗

陳登田疇

崔琰毛玠

袁渙

劉曄蔣濟劉放孫資

夏侯玄李豐張緝

王陵令狐愚毋丘儉諸葛誕

嵇康阮籍

司馬懿司馬昭司馬師

吳武烈皇帝長沙桓王 吳大皇帝

會稽王景皇帝歸命侯

張昭周瑜

建安七子

鄧禹耿弇 附錄

諸葛亮 附錄

曹植 附錄

呂東萊答書

卷之十三

史傳序

高士傳序

忠臣傳序

義士傳序

謀臣傳序

辯士傳序

英豪錄序

中興遺傳序

二列女傳

卷之十四

序說引

伊洛正源書序

伊洛禮書補亡序

三先生論事錄序

楊龜山中庸解序

春秋比事序

胡仁仲遺文序

鄭景望書說序

鄭景望雜著序

桑澤卿詩集序

西銘說

類次文中子引

卷之十五

序

送韓子師侍郎序

送邱秀州宗卿序

送諸生赴補序

送徐子才赴富陽序

送吳恭父知縣序

送叔祖主簿高安簿序

送嚴起叔之官序

送王仲德序

送吳允成運幹序

贈武川陳童子序

贈樓元序

贈術者宣顥序

贈術者戴生序

後杜應氏宗譜序

卷之十六

記

筭記

信州永豐縣社壇記

義烏縣減酒額記

普明寺置田記

普明寺長生殿記

重建紫霄觀記

北山普濟院記

元寶觀重建大殿記

題跋

書類次文中子後

書文中子附錄後

書伊洛遺禮後

書伊川先生春秋傳後

書歐陽文粹後

書家譜石刻後

書職事題名後

書趙永豐訓之行錄後

書林勳本政書後

題喻季直文編

跋焦伯強帖

跋米元章帖

跋朱晦庵送寫照郭秀才序後

書作論法後

卷之十七

詩

廷對應制

和御賜詩韻

歌詞

謫仙歌 并序

詞三十闕

表

皇帝正謝表

重華宮正謝表

啓

謝留丞相啓

謝葛丞相啓

謝陳參政啓

謝趙同知啓

謝羅尚書啓

謝曾察院啓

謝張侍御啓

謝黃正言啓

謝章司諫啓

謝楊解元啓

答陳知丞啓

送陳給事去國啓

卷之十八

啓

賀周丞相啓

賀洪景廬除內翰啓

謝王丞相啓

謝留丞相啓

謝葛知院啓

謝胡參政啓

謝陳同知啓

謝羅尚書啓

謝汪侍郎啓

謝梁侍郎啓

謝陳侍郎啓

謝鄭侍郎啓

謝曾察院啓

謝何正言啓

復吳氏定婚啓

卷之十九

書

與周參政兼

與王丞相准

與韓無咎尚書

與徐大諫良能

與章德茂侍郎四

與應仲實

與呂伯恭正字四

又戊戌冬書

與林和叔侍郎

與韓子師侍郎

復樓大防郎中

復陸伯壽

復杜伯高

復杜仲高

復何叔厚

復呂子約

復呂子陽

復李唐欽

卷之二十

書

壬寅答朱元晦秘書

又書

又癸卯通書

又甲辰答書

與朱元晦秘書

又書

又乙巳通書

丙午復朱元晦秘書

卷之二十一

書

與葉丞相衡

又書三

與周參政必大

與周丞相必大

與辛幼安殿撰

與張定叟侍郎

與勾熙載提舉

又書一

與彭子壽祭酒

與范東叔龍圖

又書一

與尤延之侍郎

與吳益恭安撫

與鄭景元提幹

與陳君舉 又書一

與石天民

與石應之

復吳叔異

復張好仁

復胡德永

復喻謙父

復黃伯起

卷之二十二

祝文

告先聖文

告先師文

告鄒國公文

石井祈雨文

廣惠王祈雨文

佑順侯祈雨文

告高曾祖文

告祖考文

祭文

祭章德文侍郎文

祭周參政文

祭呂治先郎中文

祭薛仕隆知府文

祭三五伯祖文

祭三七叔祖文

祭鄭景望龍圖文

祭張師古司戶文

祭妻叔文

祭喻德載知縣文

卷之二十三

祭文

先考卒哭文

先考移靈文

祭王永康文

祭鄭景元提幹文

祭何茂恭文

祭楊子固縣尉文

祭潘叔源文

祭潘叔度文

祭朱壽之文

祭林聖材文

祭何子剛文

祭陳官夫文

祭周賢董文

祭喻夏卿文

祭郭德揚文

祭宗式之文

祭妹夫周英伯文

祭胡彥功墓文

祭俞景山文

祭何茂材文

卷之二十四

祭文

祭呂東萊文

又祭呂東萊文

祭妻父何茂宏文

祭石天民知軍文

祭蔡潘用和文

祭章孟容文

祭孫冲季文

衆祭孫冲季文

祭宗成老文

祭妻弟何少嘉文

祭徐子宣父文

祭陳聖嘉父承務文

祭凌正仲父文

祭王木叔父文

祭彭子復父文

祭金伯清父文

祭王天若父母文

卷之二十五

祭文

祭妻祖母夫人王氏文

祭姨母周夫人黃氏文

祭妻叔母喻氏文

祭林和叔母夫人文

祭徐子才母夫人文

祭葉正則母夫人文

祭趙尉母夫人文

祭王道甫母太宜人文

祭錢伯同母碩人文

祭樓德潤母夫人文

祭鄭景元母夫人文

祭邱宗卿母碩人臧氏文

祭盧欽叔母夫人文

祭蔡行之母太恭人文

祭李從仲母夫人文

祭郭伯瞻母夫人文

祭凌存仲母夫人文

祭葉正則外母高恭人翁氏文

祭妻姑劉夫人文

祭妹文

祭徐子宜內子宋恭人文

祭薛象先內子黃恭人文

祭王丞內子文

祭潘叔度內子朱氏文

卷之二十六

行狀哀詞

吏部侍郎章公德文行狀

東陽郭德麟哀辭

墓誌銘

先祖府君墓誌銘

蔡元德墓碣銘

宗縣尉墓誌銘

林公材墓誌銘

孫賈墓誌銘

章晦文墓誌銘

陳性之墓碣銘

錢元卿墓碣銘

郎秀才墓誌銘

胡公濟墓碣銘

方元卿墓誌銘

孫天誠墓碣銘

周叔辯夫妻附葬墓誌銘

卷之二十八

墓誌銘

何茂宏墓誌銘

陳府君墓誌銘

謝教授墓誌銘

陳元嘉墓誌銘

庶弟昭甫墓誌銘

陳春坊墓碣銘

金元卿墓誌銘

陳思正墓誌銘

喻夏卿墓誌銘

錢叔因墓碣銘

姚唐佐墓誌銘

何少弄墓誌銘

劉和卿墓誌銘

卷之二十九

墓誌銘

先妣黃氏夫人墓誌銘

孫夫人周氏墓誌銘

商夫人陳氏墓誌銘

章婦胡氏墓誌銘

胡夫人呂氏墓碣銘

章夫人田氏墓誌銘

徐婦趙氏墓誌銘

喻夫人王氏改葬墓誌銘

卷之三十

墓誌銘

汪夫人曹氏墓誌銘

周夫人黃氏墓誌銘

劉夫人陳氏墓誌銘

何夫人杜氏墓誌銘

劉夫人何氏墓誌銘

姚漢英母夫人沈氏墓誌銘

凌夫人何氏墓誌銘

呂夫人夏氏墓誌銘

黃夫人樓氏墓誌銘

補遺

王應麟困學紀聞二則

法深無誓治

畏羞于君子

梅花詩

水龍吟

洞仙歌

虞美人

附錄朱文公經濟文衡

論堯舜禹相傳之旨答陳同甫

論漢祖唐宗只是暗合於道答陳同甫

再論古今漢唐之異答陳同甫

論理欲係義利邪正之閒答陳同甫

論聖門成人之說答陳同甫

又答書 六篇

附錄葉水心先生文集

祭陳同甫文

陳同甫王道甫墓誌銘

龍川集序 見前首卷

書龍川集後

陳同甫抱膝齋二首

龍川文集目錄

宋史本傳

陳亮字同甫婺州永康人生而目光有芒爲人才氣超邁喜談兵議論風生下筆數千言立就書致古人用兵成敗之跡著約古論郡守周葵得之相與論難奇之曰他日國士也請爲上客及葵爲執政朝士白事必指令掛亮因得文一時豪俊盡其議論因授以中庸大學曰讀此可精性命之說遂受而盡心焉陸與初與金人約和天下忻然幸得蘇惠獨亮持不可婺州方以解頭薦因上中興五論奏入不報已而退僚于家學者多歸之益力學著書者十年先是亮嘗環視錢塘囋然歎曰城可墮耳蓋以地下於西湖也至是當淳熙五年孝宗即位蓋十七年矣亮更名同諱闕上書曰臣惟中國天地之正氣也天命所鍾也人心所會也衣冠禮樂所萃也百代帝王之所相承也挈中國衣冠禮樂而寓之偏方雖天命人心猶有所係然豈以是爲可久安而無事也天地之正氣鬱遏而久不得轉必將有所發泄而天命人心固非偏方所可久係也國東二百年太平之基三代之所無也二聖北狩之痛漢唐之所未有也方南渡之初君臣上下痛心疾首誓不與之俱生卒能以奔敗之餘而勝百戰之敵及秦檜倡邪議以沮之忠臣義士斥死南方而天下之氣憤矣三十年之餘雖西北流寓皆抱孫長息於東南而君父之大讎一切不復顧念自非海陵陵送死淮南亦不知兵戈爲何事也況望其憤故國之恥而相率以發一矢哉丙午丁未之變距今尙以爲遠而海陵之禍遽陛下即位之前一年也獨陛下奮不自顧志於殄滅而天下之人安然如無事時方口譏腹非以陛下爲喜功名而不恤後患雖陛下亦不能以崇高之勢而獨勝之隱忍以至千今又十有一年矣昔春秋時君臣父子相戕殺之禍舉一世皆安之而孔子獨以爲三綱既絕則人道遂爲禽獸皇皇奔走義不能以一朝安然卒於無所遇而發其志於春秋之書猶能以懼亂臣賊子今舉一世而忘君父之大讎此豈人道所可安乎使學者知學孔子之道當導陛下以有爲決不沮陛下以苟安也南師之不出於今幾年矣豈無一豪傑之能自奮其勢必有時而發泐矣苟國家不能起而承之必將有承之者矣不可恃太完禮樂之舊習矣積累之深以爲天命人心可以安坐

而久繫也皇天無親惟德是輔民心無常惟惠之懷自三代聖人皆知其爲甚可畏也春秋之末齊晉秦楚皆衰吳越起於小邦遂伯諸侯黃池之會孔子所甚痛也可以明中國之無人矣此今世儒者之所未諱也今金源之植根既久不可以一舉而遠滅國家之大勢未發不可以一朝而大舉而人情皆便於通和者勸陛下積財養兵以待時也臣以爲通和者所以成上下之苟安而爲妄庸兩售之地宜其爲人情之所甚便也自和好之成十有餘年凡今日之指畫方略者他日將用之以坐籌也今日之擊鼓射鵰者他日將用之以決勝也府庫充滿無非財也介冑鮮明無非兵也使兵端一開則其跡敗矣何者人才以用而見其能否安坐而能者不足恃也兵食以用而見其盈虛安坐而盈者不足恃也而朝廷方幸一旦之無事庸愚難解之人皆得以守格令行文書以奉陛下之使令而陛下亦幸其易制而無他也使使度外之士擯棄而不得轉日月蹉跎而老將至矣臣故曰通和者所以成上下之苟安而爲妄庸兩售之地也東晉百年之間南北未嘗通和也故其臣東西馳騁多可用之才今和好一不通朝野之論常如敵兵之在境惟恐其不得和也雖陛下亦不得而不和矣昔者金人草居野處往來無常能使人不知所備而兵無日不可出也今也城郭宮室政教號令一切不異於中國點兵聚糧文移往返動涉數月一方有警三邊騷動此豈能歲出師以慢我乎然使朝野常如敵兵之在境乃國家之福而英雄所用以爭天下之機也執事者胡爲速和以情其心乎晉楚之戰於鄆也樂書以爲楚自克庸以來其君無日不討國人而訓之曰民生之不易禍至之無日戒懼之不可以怠在軍無日不討軍實而申傲之曰勝之不可保紂之百克而卒無後晉楚之殲兵於宋也子罕以爲兵所以威不軌而昭文德也聖人以與亂人以廢廢與存亡昏明之術皆兵之繇也而求去之是以誣道蔽諸侯也夫人心之不可惰兵威之不可廢故雖成康太平猶有所謂四征不庭張皇六師者此李沆所以深不願真宗皇帝之與遼和親也況南北角立之時而廢兵以惰人心使之安於忘君父之大讎而置中國於度外徒以便妄庸之人則執事者之失策亦甚矣陛下何不明天義而慨然與金絕也貶損乘輿御

正殿痛自克責誓必復讎以勵羣臣以振天下之氣以動中原之心雖未出兵而人心不敢懈矣東西馳聘而人才出矣盛虛相補而兵食見矣狂妄之辭不攻而自息懦庸之夫不卻而自退縮矣當有度外之士起而惟陛下之所欲用矣是雲合響應之勢而非可安坐而致也臣請爲陛下陳國家立國之本末而開今日大有爲之略論天下形勢之消長而決今日大有爲之機惟陛下幸聽之唐自肅代以後上失其柄藩鎮自相雄長擅其土地人民用其甲兵財賦官爵惟其所命而人才亦各盡心於其所事卒以成君弱臣強正統數易之禍藝祖皇帝一與而四方次第平定藩鎮拱手以趨約東使列郡各得自達於京師以京官權知三年一易財歸於漕司而兵各歸於郡朝廷以一紙下郡國如臂之使指無有留難自筦庫微職必命於朝廷而天下之勢一矣故京師宿重兵以爲固而郡國亦各有禁軍無非天子所以自守其地也兵皆天子之兵財皆天子之財官皆天子之官民皆天子之民紀綱總攝法令明備郡縣不得以一事自專也士以尺度而取官以資格而進不求度外之奇才不慕絕世之偉功天子蚤夜憂勤於其上以禮義廉恥學士大夫之心以仁義公忠厚斯民之生舉天下皆緣於規矩準繩之中而二百年太平之基從此而立然契丹遂得以猖狂恣睢與中國抗衡儼然爲南北兩朝而踵目手足渾然無別機澶淵一戰則中國之勢浸微根本雖厚而不可立矣故慶曆增幣之事富弼以爲朝廷之大恥而終身不敢自論其勞蓋契丹征令是主上之操也天子供貢是臣下之禮也契丹之所以卒勝中國者其積有漸也立國之初其勢固必至此故我祖宗常嚴廟堂而尊大臣寬郡縣而重守令於文法之內未嘗折困天下之富商巨室於格律之外有以容養天下之英雄奇傑皆所以助立國之勢而爲不虞之備也慶曆諸臣亦嘗讀中國之勢不振矣而其大要則使羣臣爭進其說更法易令而廟堂輕矣嚴按察之權邀功生事而郡縣又輕矣豈惟於立國之勢無所助又從而陵削之雖微章得象陳執中以排沮其事亦安得而不自沮哉獨其破去舊例以不次用人而勦農桑務寬大爲有合於因革之宜而其大要已非矣此所以不能洗契丹平視中國之恥而卒發神宗皇帝之大憤也王

安石以正法度之說首合聖意而其實則欲藉天下之兵盡歸於朝廷別行教閱以爲疆也括郡縣之利盡入於朝廷別行封樁以爲富也青苗之政惟恐富民之不困也均輸之法惟恐商賈之不振也罪無大小動輒與獄而士大夫絀口畏罪矣西北兩邊至使內臣經畫而豪傑恥於爲役矣使神宗皇帝見兵財之數既多銳然南征北伐卒垂聖意而天下之勢實未嘗振也彼盡不知朝廷立國之勢正患文爲之太密事權之太分郡縣太輕於下而委瑣不足恃兵財太關於上而重遲不易舉祖宗惟用前四者以助其勢而安石竭之不遺餘力不知立國之本末者真不足以謀國也元祐紹聖一反一覆而卒爲金人侮之責尙何望其振中國以威四裔哉南渡以來大抵遵祖宗之舊雖微有因革增損不足爲輕重有無如趙鼎諸臣固已不究變通之理況秦檜盡取而沮毀之忍恥事讎歸太平於一隅以爲欺其罪可勝誅哉陛下憤王業之屈於一隅勵志復讎不免藉天下之兵以爲強括郡縣之利以爲富加惠百姓而富人無五年之積不重征稅而大商無巨萬之藏國勢日以困竭臣恐尺籍之兵府庫之財不足以支一旦之用也陛下蚤朝晏罷冀中興日月之功而以蠲墨取人以文法滯事聖斷裁制中外而大臣充位胥吏坐行條令而百司堯責人才日以闕茸臣恐程文之士資格之官不足當度外之明也藝祖經畫天下之大略太宗已不能盡用今其遺意豈無望於陛下也陛下苟推原其意而行之可以開社稷數百年之基而況於復故物乎不然維持之具既窮臣恐祖宗之積累亦不足恃也陛下試令臣畢陳于前則今日大有爲之略必知所處矣夫吳蜀天地之偏氣錢塘又吳之一隅當唐之衰錢鏐以閩巷之雄起王其地自以不能獨立常朝事中國以爲重及我宋受命倣以我家入京師而自獻其土故錢塘終始五代被兵最少而二百年之閒人物日以繁盛遂甲於東南及建炎紹興之間爲六飛所駐之地當時論者固已疑其不足以張形勢而事恢復矣秦檜又從而備百司庶府以講禮樂於其中其風俗固已華靡士大夫又從而治園囿臺榭以樂其生於干戈之餘上下晏安而錢塘爲樂國矣一隙之地本不足以容萬乘而鎮壓且五十年山川之氣盡亦發泄而無餘矣故穀粟桑麻